



**Bou ons kinders vir
môre**

**Voorskoolse-
Sondagskool**

Lestitel: Noag en die Ark

'n Ouerhandleiding
Sondagskooltuisonderrig



Liewe Ouer

Welkom by die les: “**Noag en die Ark**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Noag en die Ark
Bybelwoord	Genesis 6
Lesdoelwit	Ons leer dat ons op God moet vertrou en aan God gehoorsaam moet wees. Ons word herinner aan God se belofte.

Lesopsomming:

- Die mense op aarde het van God vergeet en slegte dinge gedoen.
- Dit het God baie hartseer gemaak en Hy het besluit om die aarde te vernietig.
- Net Noag het 'n goddelike lewe gelei. Hy het drie seuns Sem, Gam en Jafet gehad.
- Om hierdie rede sê God vir Noag: "Bou 'n groot boot uit goferhout. Gaan saam met jou hele gesin in hierdie ark. Neem 'n paar (twee), een mannetjie en een wyfie, van elke dier en voldoende voedsel. Ek sal vir jou, jou gesin en hierdie diere red."
- Noag het God se instruksies presies gevolg.
- Destyds was daar geen teken van reën nie, en daarom het die volk Noag en sy gesin bespot omdat hulle hierdie groot ark gebou het. Noag was egter gehoorsaam aan God en het op God volkome vertrou.
- Toe die ark voltooi was, het Noag en sy gesin saam met al die diere in die ark gegaan en God het die ark se deure agter hulle gesluit. Toe kom die reën en die aarde word deur 'n watervloed verwoes.
- God het Noag belowe dat die aarde nooit weer met water vernietig sal word nie en Hy het 'n reënboog in die lug geplaas as 'n teken van hierdie belofte.

Wat beteken hierdie les vandag vir ons?

- God beskerm altyd sy kinders, want Hy is baie lief vir ons.
- Alhoewel Noag dit nie verstaan het nie, het hy geluister en geglo dat God hulle sou red. Hy het volkome op God vertrou. Ons moet ook op God vertrou.
- Noag het God se instruksies presies gevolg. Hy het God gehoorsaam. Ons moet ook aan God, ons ouers en onderwysers gehoorsaam wees.
- Die reënboog is 'n teken (herinnering) dat God altyd sy beloftes nakom.
- Die grootste belofte van God is dat Jesus ons sal kom haal om by Hom te wees.



Sommige vrae wat ons kan vra:

1. Hoeveel seuns het Noag gehad en wat was hulle name?

Antwoord: 3 seuns - Sem, Gam en Jafet

2. Hoeveel van elke dier is in die ark geneem?

Antwoord: twee - een mannetjie en een wyfie

3. Watter teken het God gegee as herinnering aan sy belofte aan Noag?

Antwoord: 'n reënboog

4. Waarom het God vir Noag en sy gesin gered?

Antwoord: Noag het 'n goddelike lewe gelei

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.